

Kondisyon Vaksen kont Grip pou Prezans nan

Lekòl: Matènèl jiska Klas 12 ^{yèm} Ane

Mizajou 22 Desanm 2020

Nan kòmansman ane lekòl 2020-2021, vaksen kont grip ap obligatwa pou tout elèv yo. Vaksen kont grip toujou enpòtan pou redwi risk pou vin malad avèk grip, redwi gravite maladi a si youn ta vin malad (enkli risk ospitalizasyon) akoz grip, ansanm avèk anpeche pwopagasyon grip pou lòt moun.

Pandan pandemi COVID-19 la, vaksen kont grip la pral espesyalman enpòtan pou redwi enpak respirasyon anjeneral sou popilasyon an, pwoteje popilasyon vilnerab la kont maladi grav, ak diminye fado anjeneral sou sistèm swen sante a.

Ki elèv ki pral bezwen resevwa vaksen kont grip?

Elèv yo ki nan klas matènèl–12 ^{yèm} ane ap obligatwa pou resevwa vaksen kont grip pou sezon grip aktyèl la nan fason pou yo ka admèt yo lekòl sof si yo gen yon egzansyon reliye oswa medikal.

Kilè elèv yo ap bezwen pran vaksen kont grip la?

Elèv yo dwe pran vaksen kont grip pou sezon aktyèl la (sètadi., ane lekòl 2020-2021) nan delè 28 Fevriye 2021. Nouvo elèv yo kap antre lekòl anvan 31 Mas 2021 ta dwe pran yon dòz vaksen pou sezon grip aktyèl la nan fason pou yo ka antre.

Èske gen nenpòt egzansyon pou pran vaksen kont grip la?

Egzansyon Medikal ak reliye otorize nan eta Massachusetts. Egzansyon Medikal yo dwe renouve chak ane epi enkli yon fòm deklarasyon kote yon doktè deklare ke vaksen an kont-endike medikalman pou elèv la.

Ki kalite vaksen kont grip elèv yo ka pran ?

Nenpòt vaksen kont grip ki gen lisans laj-apwopriye pou sezon vaksen aktyèl la satisfè kondisyon an. Sa a gen ladan kalite vaksen enjeksyon ak espre nan nen.

Èske elèv yo ki pa gen yon dòz dokimante vaksen grip sezonye ta ekskli lekòl nan 1^{ye} Janvye?

Ranfòsman kondisyon vaksinasyon nan lekòl detèmine nan nivo lokal. Nou ankouraje kominote lekòl yo pou travay avèk fanmi ansanm avèk pwofesyonèl swen sante yo pou satisfè kondisyon pou elèv yo ki pa konfòme nan dat 1^{ye} Janvye. Pou ane lekòl 2020-2021 an sèlman, ou dwe pran vaksen kont grip la nan delè 28 Fevriye 2021. Nou ankouraje

enstitisyon ansèyman siperyè yo pou travay avèk fanmi ak pwofesyonèl swen sante yo pou satisfè kondisyon vaksinasyon pou elèv yo ki pa konfòme anvan 1^{ye} Mas 2021.

E osijè elèv yo ki enskri apre 31 Desanm?

Elèv yo ki enskri apre 31 Mas dwe gen yon dòz vaksen kont grip dokimante pou sezon grip aktyèl la (ansanm avèk tout lòt vaksen obligatwa yo) lè yo kòmanse lekòl.

E osijè elèv yo ki enskri nan fen prentan an?

Elèv yo ki enskri anvan 31 Mas pa gen obligasyon pou yo pran yon dòz vaksen kont grip pou ane lekòl aktyèl la.

Èske lekòl mwen an dwe rapòte vaksen kont grip nan sondaj vaksinasyon klas matènèl ak 7^{yèm} ane?

Wi—sondaj yo pral ouvè kòm dabitud pandan otòn lan pou bay enfòmasyon sou lòt vaksen yo. Nan Janvye 2021, yo ka ranpli yon nouvo seksyon nan sondaj la pou rapòte to vaksinasyon pou elèv yo ki enskri nan matènèl ak Klas 7^{yèm} ane. Nou prevwa toulède patit sondaj la, sondaj vaksinasyon tradisyonèl lekòl ak konpozan vaksen kont grip la, ap rive nan fen Janvye 2021.

Èske lekòl mwen dwe rapòte kantite elèv ki te pran vaksen kont grip nan klas 11^{yèm} ane nan sondaj vaksinasyon lekòl la?

Wi—Sondaj Klas 11^{yèm} ane a ap ouvè nan kòmansman 2021 e li pral gen ladan kesyon sou vaksen kont grip avèk sondaj la. Wap jwenn plis enfòmasyon sou delè pou sondaj Klas 11^{yèm} ane a ap disponib nan lavni.

Èske lekòl mwen dwe rapòte kantite elèv ki te pran vaksen kont grip pou elèv nan tout klas yo?

Byenke egzijans vaksen kont grip la egziste pou chak klas, yo pral mande w pou ranpli sondaj vaksinasyon lekòl la pou klas matènèl 7^{yèm} ak 11^{yèm} ane.

Èske vaksen kont grip la ap obligatwa chak ane oswa se sèlman pou ane lekòl 2020-2021 an?

Vaksen kont grip kounye a se yon vaksen obligatwa pou prezans nan lekòl e li pral obligatwa nan dat 31 Desanm pou tout elèv yo nan klas matènèl jiska 12^{yèm} ane chak ane lekòl. Pou ane lekòl 2020-2021 **sèlman**, ou dwe pran vaksen kont grip sezonye a nan dènye delè 28 Fevriye 2021.

Èske jèn elèv yo bezwen 2 dòz daprè direktiv ACIP?

Timoun yo ki gen laj pi piti pase 9 ane ka bezwen de dòz vaksen kont grip depannde kantite vaksen kont grip yo te pran anvana. Timoun yo ta dwe resevwa vaksen daprè rekòmandasyon ACIP men sèlman yonsèl dòz vaksen kont grip la obligatwa pou prezans nan lekòl.

Si lekòl mwen ap bay enstriksyon a distans, èske elèv yo ap toujou bezwen satisfè kondisyon vaksinasyon yo?

Egzijans sou vaksinasyon lekòl, sa ki gen ladan kondisyon pou vaksen kont grip sezonye, aplike pou tout elèv Massachusetts yo ki enskri nan matènèl jiska klas 12^{yèm} ane, keseswa distri a ap bay enstriksyon an-pèson, oswa itilize yon modèl ibrid oswa ansèyman a distans.

Èske kondisyon vaksen kont grip la aplike pou elèv yo ki lekòl lakay yo?

Egzijans vaksinasyon yo, gen ladan kondisyon vaksinasyon kont grip, pa aplike pou elèv yo ki lekòl lakay yo sof si elèv la pa janm bezwen ale nan lekòl la pou espò, aktivite apre lekòl oswa nenpòt lòt rezon.